

BALLONNEN PARADE: CHIQUITO


ORANJESTAD(AAN): "E parada tabata chiquito e aña aki". "Esaki no ta e parada cu nos a custumbra cune", "Aruba Tivoli no por laga su imagen cay asina", tabata entre otro e comentarionan cu a scucha ayera di algun persona cu a presencia e parada di blaas di Aruba Tivoli Club.

Por a nota claramente cu e publico Arubano tin un aprecio grandi pa tur locual ta carnaval di Aruba Tivoli Club y cu nan a haya nan mes preocupa ayera pa e "reputacion excelente" di Aruba Tivoli Club den Carnaval di nos isla.

Tambe por a nota cu e publico ta conciente di cambionan den presencia di esnan participante.

"Aruba Tivoli Club" tin e imagen di ta club cu sa presenta figuranan netchi, cu disfraznan bon acaba y desce den su paradan, no cantidad di mucha muher cu short jeans cu ta dañan nan imagen", por a scucha tambe.

Tambe locual a wordo ripara y comenta tabata cu a falta e carosanan di custumber bunita acaba y cu fantasianan asombroso, den e parada y cu a ser usa solamente algun roadpiece di



decoracion cu no tabata pa hopi e Aruba Tivoli cu Aruba conoce.

Masha comenta sinembargo tabata "mama taxista" Sarita Arends cu ta un di e pilarnan di carnaval di Aruba Tivoli Club.

E publico a haya e parada chiquito, sinembargo atractivo. "Mi ta spera cu Aruba Tivoli Club no ta laga su imagen di cuna di Carnaval cai", tabata loke un machi a comenta hayando aprobacion di esnan mas joven cu tabata pre-

sente.

A ser comenta cu a ser spera mas di e parada di blaas mirando con Aruba Tivoli Club e aña aki a mehora nan parada di flambeeuw masha hopi y cu animacion completo di gruponan di brassband y Disco.

E parada di mas o menos

15 minuut pa 20 minuut (dependiendo unda bo a mire) no a ser spera ayera pa hopi hende.

E bunitesa cu a ser comenta ayera tabata e muchanan cu a participa den e parada di blaas. Nan bistimento, nan disfraz y locual nan a presenta.